

طارق جلال الحسيني

آهات قلب

شعر

صدرت الطبعة الأولى في فبراير 2021

بطاقة الكتاب

عنوان المؤلف	آهات قلب
المؤلف	طارق جلال الحسيني
التصنيف	شعر
رقم الإيداع القانوني	4756 - 2021
الترقيم الدولي	978-977-6835-83-2
رقم الإصدار الداخلي	720 الطبعة الأولى فبراير 2021
عدد الصفحات	132 صفحة
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأي دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجي عبد المنعم



مؤسسة
النيل والفرات
للطبع والنشر والتوزيع
أسسها الشاعر ناجي عبد المنعم
حزيران 2007

رخصة مزاولة مهنة: 58365 - سجل نقاري: 13242 / 2017 - بطاقة ضريبية: 35-01-572
 عضو عامل باتحاد الناشرين المصريين رقم 941 لسنة 2018
 هاتف: 01011256943 - 01116202218 - 01202541192 - 020554372901 تليفاكس:
 nagyegy200064@gmail.com **النيل والفرات** alnilwaalfourat@gmail.com
 (المقر الرئيسي: ج.م.ع محافظة الشرقية - العاشر من رمضان - مجاورة 13 - امام سنتر الم3 - مطار 304)

إهداء

... إلي من وهبتي الحياة وقلبي النابض

إلي أمي نبع الحب والوفاء ..

إلي أبي الداعم الأول لي

من علمني معنى الرجولة ..

بالتقيد والعادات والأفعال لا الأقوال

رحمهما الله

لهما أهدى ديواني الأول

طارق جلال الحسيني

إهدى ياقلبي

إهدى ياقلبي بتدق ليه
إهدى ياقلبي حصل لك ايه
إهدى ياقلبي بتدق ليه
إهدى يا قلبي جراك ايه
عمال تدق و مصحيني
وبالآهات بتنادي عليه
مخليني أدور على صورتها
وقال بتقول وحشاك طللتها
ما عيونها زى غيرها
ولا إنت فى الحب بجد هويتها
ومش قادر تبعد عنها

ولا قادر تنسى نظرتها
وعمال تكتب حروفها
بنفسك على زجاج صورتها
وكل شوية تطلع رسالة ليها
وتفضل تقرا فيها
وتقول دى من ريحتها
لمستها إيدها
طيب ما أنت عشقت كتير
وكنت معاهم أمير
وكانوا طايرين بيك
كأنك جناب السفير
إش معنى دى اللى أديتها كتير

من وقتك فى التفكير
ولا أنت بتفكر فى الآخر
إنك تكون فى الحب أسير
عايز تدوق عذاب الحب
لما بيقسى على القلب
إهدى ياقلبي وبلاش تدق

إحكيلى

تعالى واحكيلى حكايتك

قولى إيه فى الحب غايتك

وبلاش تقول لى قلبى

حاسس بس مش شايفك

مفارقة والا عايزانى أكون ساكن جنبك

قربى ليا واحكيلى همك

احكيلى إيه فى الحياة تاعبك

وفين مكان ألمك

في عيونك ولا فى

همس مشاعرك

آه يا وجعي لما تصرخ

ما تلاقي حد ها يسمعك

إلا واحد حبك
خاف عليكى واشترى خاطرک
لما الظلام يخيم على دربک..
هتلاقى جنبک اللي حبک
حتفضل عیونه عاشقة عیونک
وعاشقة فى البدر جفونک
حتزرع لیكى وردة
فى سهدک
وتجفف فى الدرب دمعک
بلاش تصحینى من حلم عمرک.
دا التجاعید شکلت ملامحک
والسمار بقى تحت جفنک
أعذرینى لأنى مش سامعک
ولا حتى شایفک

لأنى فى عيونى رسمتك

أول ماشفتك

لما كنت جميلة

وبحتار فى وصفك

وأقول عليكى مانىكان

أو حورية من جنة عدن

أنا شايفك

أنا شايفك طالع فى العالى
وحاسس نجمك بيلالى
وغلبت أحايك يا حبيبى ..
كنت بفتكر ك شارى
لقيتنى تايه ومش شايفه
وبفكر ديمافى حالى
إزافى خدعت روفى
إنى عندك غالى
وانت يا حياتى ح تبقالى
يا ما قلت لى شعر، إنى بحبك.
وتقولى ها اقولها تانى

أنا عارفة إنك فتى أحلامي

جاء عشان تسعد أوقاتي

قولي كنت بتسمعن كثير

لما أقولك أشعاري

وأوصفك وردة في بستانى

وأقولك إنت النجم

اللي في بالى .

صار اسمك اسمى يا حبيبى ..

وكأنه مكتوب فى ميلادى

إزاي على بعدك أنا اقدر

وقلبي فى حبك مش خالى .

الدمعة فى عيني محاصرانى

وبقيت في حياتي وحداني

عاش من غير قلب

بقيت مخاصمة أحلامي

بعد ماكان حبك سكاني .

وبقيت في جراحي شيء تاني .

عشنا ليلة

عشنا ليلة من الف ليلة

أنا وحببي عشنا ليلة

حطنا الشوق بعينينا

وفضلنا نغنى أحلى ليلة

وإحنا مشبكين إيدينا

ومش حاسين باللى حوالينا

طول الليل بنحلم بالليلة

وفضلنا نحكى عن أحلامنا

كأن الواقع مش حاسس بغرامنا

وسابنا ليلة نعيشها مع أحلامنا

شفنا النجوم بترقص قدامنا

والقمر نزل على إيدينا

ينور ليالينا

ويخفف أوجاعنا

هى ليلة

فيها عشنا زى الطيور

ورقصت لنا الزهور

ورسمنا على إيدينا نور

ونقشنا فى قصص الحب سطور

استغماية

ياسين وأمنة دول من زمنا
عيال بسيطة لا مش حويطة
الكل عيلة قرب وشوف
رمينا قرش شوف مين ها يلعب
ملك وكتابة ما فى بينا غش
كنا غلابة نتغدى مش
والكل شاكر ودى البداية
لابسين بيجامة وإلا عباية
الكل داس ع الارض عادى
من غير مداس عيشة البساطة
وعشوة بطاطا

بعدين نكمل ، نلعبها سيجة

ولعب حجلة برجل عرجة

رسمنا خط عشان ننط

اطلع يا قط

خلاص مسكتك

كانت حنان بنت الجيران

جمال جنان زى الغزالة

تجرى وتلعب فى الفسحاية

والأم جايه جاييه الفطير

كرم زمان فين الزمان دا

بلاش معاندة

عاوزين نرجع

خير البلد دى ايدكم معايا

يا اللهى أمامى واللهى ورايا

والدنيا جاية

رسالة من ليلي

أنا بطلت أشتاق

وفى غيابك

أعمل نسيانك

وأكتب كام كلمة

قال إيه ليلي حباك

وفى بالى مش سايباك

مهما غبت عنى

حافضل فكراك

وجوه عيونى شايلاك

إوعى تفكر

إن عيونى نسيك
وتنسى إنى واقعة فى هواك
وفى قلبى على طول رسماك
مهما غبت وطولت فى غيابك
عمر ما ها أحب سواك
بس كل منايا إنك تصدق هوايا
وتزرع بذور هنايا
وتعمل لى فى الحب شجرة وضلايا
أو تزرع ليا وردة جوه العنابية
ماهو حبك ده بقى أحلى حكاية
لإنك يا حبيبي منايا
ولونك بقى لونى

وجمالك ساكن جوايا
مهما الناس شغلوني
حاتفضل وردة جوه جفوني
لما بشوفك تبكى لبُعدى
بجرى عليك
واخذك فى عيوني
وأمسح دمعك
أنت جفوني .

فى العشق هيمان

فكرنى بىك

أو بنظرة من عينيك

أو بلمسة من أيدىك

خلى الشوق ينادى عليك

يمكن أكون بجد نسييتك

أبت حتى ليا كلمة

أو رسالة فاضية

أتنفس فيها عطرك

يمكن تفكرنى بىك

أبت حتى ليا وردة

أرويها لك بدمعة

تحكىلى تانى عنك
تحرك تانى مشاعرى
بعد ما نامت فى قلبى
انا مش هافضل فى بعدك
أعد لوحدى الساعات
وانتظرك طول الاوقات
إنك ترضى عنى
وإلا أنت خلاص دبلت ورودك
وبقيت بتفضل هروبك
عامل نفسك عنى مشغول
كأنك بقيت مسئول
وكل ماتيجى قدامك سيرتى
تعمل إنك مش عارفنى

ولما تشوفنى تتدارى منى

وكأنك فى الحكى مشغول

وإن خلص معاك الكلام

تمسك المحمول

وتتكلم كلام معسول

وتعمل عنى مشغول

كأنك تعرف حبيب غيرى

وتخلى الليل بيا يطول

أفكر فى حالى

وايه فى حبك جوالى

أنا فاكرك منك ضفيرة

وضحكة بريئة

وعيون كنت بسرحت فيها

كنت بفضل ساعات أحاسيها

وعلى طول أفكر فيها

وعيونى رايحة جاية

عايزه ترتوى بنظرة

أو تسمع منها كلمة

تخلينى أعيش فى الجنة

أو أطير زى الحمام

اللى فى العشق هيمان .

حبك صدفة

أوعى تقولى حبك كان صدفة

يدوب حصل معايا غلطة

وانا كنت ساعتها فى غفلة

ومش حاسس حتى بنظرة

لما عديتى ورميتينى بغمزة

ورسمتى على وشك ضحكة

حركت قلبى فى ثانية

أنا كنت فايق فى اللحظة

لأن قلبى صحانى بنبضة

وقالى هى دى الفرصة

إنك تكلمها وتعمل معها محادثة

وتبقى أهى منك محاولة

وتهمس ليها بكلمة

كلمة بحبك

وقت العيون ماتكون سارحة

أو ترفع أيدك بإشارة

وتقول بحبك يا أمارة

أنا ممكن اتجوز

أبيعلك ياعيونى عمارة

واتحدى بحبك كام نجمة

بس تكونى لقلبي منارة
وأعيش وياك يا قمراية
فى عيشة هنية
ومهارة وبعطف وحنية
وتكونى بتخافى عليا
ويكون قلبك لقلبي منارة
انا خفت أقولك إني بحبك
وانا عايزه سكىنة ونضارة.

انتهى الكلام

رغم قيودك

رغم نظرة عيونك

ولهفتها عليا

ولمسة أيديك وهى بين إيديا

ورعشتها وخوفها عليا

وقت الفراق

مش مصدق كان حبك أو هام

وكان كلام فى كلام

ياما بنيت ليك قصور

فى الخيال

وعيشتك فيها فى سلام

كأنها جنة عدنان
فيها أنا وانت
والحب والهيام
ده كله مسحته إزاي
وقلت ليا
أنا مهاجر سلام
خلاص راح
كلامك المعسول
وبقت مشاعرك ..
برد ليل بيطول
جه عليها يوم
ولازم تنام على طول
يعنى حبك بقى كله أوهام
أمال فين وعودك
وفين الورد اللي زرعت هولك

بقى كله أشواك
ومربوط بكلمة جفاك
فين وعدك ليا
إن الفراق شيء محال
لايمحيه هجر ولا قسوة أيام
فين الحب
اللى كان بيضل علينا
بالعشق والغرام
دا كله كان أوهام
قدرت تهجر وتنسى
وعلى قلبى تقسى
وتقول سلام
انتهى الكلام.

بطلت أحلم

بطلت أحلم يا دنيا

وأتعلق بيكي تانى

حتى لو قتلتنى مرارتك

أو تهت فى أراضيكى

كان عندى أهون

إنى أقف على رجلى

بدل ما أنام

وتغرق سفينتى

ومش لاقى حد يعنى

ويقولى أنت منى

خد إيدى شبكها فى إيدك
أنا واقف جنبك
وقلبي مع قلبك
نفسى أبطل أحلم
دا العمر مر وعدى
وانا مش حاسس بيه
وعمال للحب أغنى
وأوصف فى ملامحى
يمكن ترضى عنى
الناس مش عارفة
إنى لسه عايش لليوم
وواقف على الشجرة ذى البوم
عمال أندب حظى

وأشتكى من حبي
وعلى الحب بلوم
وأقول ده حلم يوم
والإلا ده قدر عليا محتوم
هو أنا عملت معصية
علشان صدقت وحطيته
فى عينيه
ولا ده عليه قدر محكوم
طيب مدام
ببتولد من جوانا الأحلام
ونعيش معاها فى الأوهام

ليه نصحيها بشوية كلام

ونغمض عينينا و ننام

ليه مانعيشى الحلم

ونخليه أيام

مش مجرد يوم

ونعيش مع بعض ونرضى هوانا

مدام فى إيدينا

إننا نحيا حياتنا

ليه دايمنا بنزرع الورد

ونقتله بجفانا

ونقول مش من حقنا

إننا نعيش فى حلمنا

ونزرع أشواك فى دربنا

ونخاصم بعضنا

ونقتل حبنا

يا دنيا

مالك يا دنيا مكتفاني

وبقيودك مكبلاني

مش عارف يوم أرضيكي

ولا أرضى في يوم حالي

مع إنى عمرى ماكنت أنانى

ولا كنت في يوم عدواني

وعلى طول بقدم الطيبة

حتى في أحزاني

من جوه مشاعري ووجداني

إذا كان النخيل عالى

وبيطرح تمر حياني

بس في فمي

ليه شكل تانى
طعمه مر على لسانى
وكل خبطة ألاقى
الدنيا وخدانى
وفي الحيطه خبطانى
ليه يا دنيا مخبية فرحى
فى جيوب الليالى
وعايزانى أضحك
وانتى مبكيانى
آه يادنيا
بحريرك مقيدانى
بدل يادنيا ماتسعدينى
وتخلينى أتھني بفرحى

خليتي الحزن
ينام في أحضاني
مش عارف أهرب من سجنى
كأنك يادنيا نفذتي إعدامى
من غير ماتسمعى دفاعى
وتعرفى إنى شاريكى
يادنيا بكل أموالى
بس ادينى
لحظة فرح تسعد أوقاتى
أو تحيينى يادنيا بعد مماتى

كل يوم تاخذى أحبابى
وانت عمرك ما كنتي في كياني
وطول عمرك ظلماني
لكن دا قدر ومكتوب والكل مسافر
حتى ولو ساكن فى قصر عالي.

سر عينيك

هدى شوية خطوتك

علشان أشوفك

كنت بموت فى كسوفك

لما عينى بتيجى فى عينك

وتشغل تفكيرك

كنت بتمنى طلتك

وأعشق تملئ بسمتك

قولى إيه غيرك

وأنا كنت بقدرك

كنت بتمنى أرضيك

كنت بايع الدنيا وشاريك
هدى لما أشوفك
وأقرب اليك وألمس أيديك
يمكن تغير طريقك
وتقول وحشتنى عيونك
من زمان كان نفسى أشوفك
وأخذك فى حضنى وأبوسك
أنا بجد عاشق طيفك
لما تشغلنى عيونك
كنت بسيب الدنيا وأجيلك
وأفضل عن حزنى أحكيلك
كنت بحس بلمسة أيديك
وأنت بتقولى ابعد عن خوفك

تعالى وأنسى معايا همومك

خليني أضحك وأبوسك

كنت بحس بخوفك

لما تيجي عيوني

في عيونك

وأقول هو ده الحب

كانت بتصبرني رسايك

وأنا بقرا حروفك

وأنا بحلم بقدمك

وانت واخداني في حضنك

وأنا ليا بضمك

كنت بشوف بسمتك

نسمة طيارة مع ظلتك

والنجوم بتبوس أيدك
وتقول غيرانة من عيونك
بعد ما سطع فى سما نورك
وقربتى من القمر بزهورك
كنت فى غيابك
بجرى على طول على بابك
وأقول كفاية عليا عذابك
أنا بجد معذبنى غيابك
لما تعدى إبقى هدى
صدقينى أنا معذور
ما إنتى غايبة عنى
بقالك شهور
قوليلى إيه عملته
علشان بحبك أتعذب

وتخلّى قلبى في حبك مكسور

انا كنت بحبك زى العصفور

اللى طائر على طبق بنور

الناس كلها كانت شوك

وانت الزهور

والحياة من غيرك هم كبير

واليوم فى بعدك دهور

ونظرة عينيك لقلبى سرور

التجاهل

إيه اتغير فيا

خلاه ما يسألش عليا

يمكن لون عينيا

أو صغيرة شعري الفضية

ولا يمكن كبرت والعمر عدى بيا

وما بقتش جميلة زى اللي حواليه

انا مش عارفة متلخبطة ليه

وعمالة اسأل نفسى كدا ليه

حاسة بحاجة غريبة

ولونى مخطوف وعقلى بيتوه

وحاسه إنى واحدة تانية

بدور أنا عليا
وكل شوية أبص في مرايتي
وأسالها يمكن تعرفني
أو توريني شكلي
أنا محتارة وخايفة
على طول شاردة
فين حبه ليا
وكلامه إني حورية
طلع كله كلام في كلام
و مجرد أحلام
وعيشني معاه في الأوهام
يمكن أكون زعلته

اسأله وإلا استنى شوية

يمكن يصعب عليه حالي

ويسألنى مالك

متغير ليه حالك .

يارب تكونى سامعانى

يارب تكونى سمعاني
تعالى في أحضاني
و الله كثير وحشاني
ما أنت ساكنة في وجداني
نفسى تسمعى نبضى
و هو بينبض ليكى
ودايما ليكى مصحيني
من عز منامى
بصحى واقول وحشاني
انا معاك ببقى شكل تانى
نفسى أصرخ

والدنيا كلها تسمعني
و أقولك بحبك
مش قادر أخبي
انتى خليتينى إنسان تانى
شكلى عاشق الحب بزمانى
بأحس إنى أمير دايمى فى خيالى
و بحلم و أنا صاحى
و كثير وصفتك فى أشعارى
إنك فتاة أحلامى
أو حورية من كوكب تانى
أو نجمة شايها على جناحى
بتنور ليا طريقى
و بقول إلهى عدى
مش محسوب من عمري

أنا كثير ياما شكيت
و لا عمرى قبلك اتنهيت
كنت حاسس إني انتهيت
و ياما شكيت وجعي
و كنت على طول بخبي
و كل يوم كنت ببكى
و أقفل على بابى
علشان شماتة عزالى
و أقول يارب صبرنى
و خفف عليا جرحى
أو نسيني حبى

الحب المستحيل

حاسس بيك

وعارف الحب

مش ليه ولا ليك

مهما داريتيه باين فى عينيك

ولو حاولتى تخبيه

من اللى حواليك

أنا بس اللى حاسس بيك

عارف إنك جوهرة

وإترسمت فى حياتى

وعارف إنك قمر

ونور طريقى

الورد من جمالك دارى نفسه

والقمر من جمالك
خبي كسوفه
والعطر بعدك
خاصم زجاجته
وقال مشتاق لحدوده
انا اتخلقت علشانه
إنتى السما وأنا نجومها
أنتى الملكة وأنا حارسها
وبتمنى بس رضاك
لإنى شفتك فى منامى
عروسة فى أحلامى
وصحيت أدور عليك
واسأل فىن أراضيكى

وازاى الأقيقِ
سألت عنك النجوم
قالت ليا كانت ساكنة
هنا فى يوم
قبل ماتقع فى الغرام
لو حبتها لازم تبقى عوام
ما يبقاش حبك مجرد كلام
إنت حبيبتك حورية
فى الأحلام
طلعت فى لحظة غرام
تدور على فارسها
وراكبة جواد
وقالت الحب مش حرام
كفايا بُعد وخصام
العمر عدى منه أعوام

ومش فاضل منه غير أيام
واحنا لسه عايشين على أوهام
وبنقول الحب
مش بيتولد فى أيام
ونسينا إن الواقع والعشق
منتظرنا قدام
فاتح لنا إيده بسلام
وبيقول لنا
عيشوا بس للغرام

الحب دوا

سألنى الطبيب مالك
طمنى يامريض على حالك
قلت الألم ياطبيب
الجرح مش سايبنى فى حالى
حتى يا طبيب فى منامى
شوف ليا أى علاج يخفف آلامى
حط الطبيب سماعته
علشان يسمع ويشوف حكايته
سمع دقات كثيرة
قال دى حاجة غريبة
دقات سريعة
والسماعة بتقول الحالة سليمة

قلت آمال الألم من إيه
والوجع دا جالى منين
قالى الدكتور ديه نظرة عين
بقالها فى قلبك يومين
علاجك مش روشتة وسطرين
ولا كلمة ولا كلمتين
علاجك مع حبيب العين
وارتباط بين قلبين
أوكلمة من حرفين
ح ب .. حب

مرايتى

ليه مش مصدق كلامى

وبتحاول تهرب من غرامى

مع إنى وصفت لك كل أحوالى

كثير بقولك بحبك

والاقيك تقول شفتك ثوانى

بطل تزايد عليا وتقول

سهرت الليالى

وجيتلى ملهوف تقولى عيونك عشقانى

وأنا العمر عدى بيا

ومرايتى مخلصمنى

وانا مش عارفة نفسى

وما بقتش عارفة
يومي من أمسى
وكتير بكلم مرايتي
واكلمها عن جمالي
يمكن تسمع مني كلامي .

مش عايز أصحى

عايش وبللم فى نفسى
وبداعب فى ليلى أمسى
واحكيلها عن حالى
وايه فى الحب جوالى
خلانى أحلم وأنا صاحى
واتخيلك فى كل أوقاتى
لامس على طول إيديكى
بتحركى مشاعرى
كنت بشوفك قدامى
وانتى راكبة حصانى
وشعرك طاير على اكتافى

وعطرك بيهف على انفاسي

كنت عايش في حلمي

وراضي بحالي

ومش عايز حد يصحيني

كنت بداعب ليلي

وأقول الحلم طريقي

مدام مش قادر انساكي

ولا أبعد يوم عن هواكي

كان لازم أعيش وياكي

وعمرى ما أصحى من

حلمي معاكى .

وبحبك

خائف يمر العمر من دونك
و أنا حاطك في قلبي وبصونك
ياما كحلت عيني بنظرة منك
كانت بتفرحني بقدومك
كنت بشتاق لحضنك
ولا عمري في يوم هجرتك

الحلم مستحيل

ليه الحلم بقى مستحيل
ومن الهموم بقينا بنشيل
وكل يوم نفتح عينينا على تضليل
وحقايق بتتغير فى زمن التطيل
العمر بيعدى وحاسس إنى بقيت عليل
ولا دوا نافع ولا تسكين
والجرح بينزف ومش عايز يلين
ومين يسمع يا بلد صرخة مساكين
كل همهم فى الحياة يعيشوا مستورين
أنا والله لا إخوانى ولا من الارهابيين

ولاحتى ثورجى من المأجورين
ولاعايز شهرة وماشى مع المتظاهرين
انا مواطن عادى من المصريين
وفيه زى من الشعب ملايين
ابنى بيسألنى مستقبلنا فى ذمة مين
وأنا يا أبويا شايف
زلازل وبراكين
ولو حبيت أشكى أشكى لمين ؟
لقت نفسى ساكت كائن زى المقهورين
قلت يابنى تعالى نشكى لرب العالمين
هو اللى حاسس بالمظلومين.

طعم الغدر

ليه طعم الغدر بقى جميل..؟

في زمن عليل

و أصبح شئ ملوش مثيل

بين صبح و ليل

على طول بيغني

و يقول مواويل

إزاي تعرف تطبل

و في الحقايق تضلل

أنا شفت في المحكمة

أم طالع منها صوات و عويل

و نفس بالوجع طويل

و بتقول أنا ظلموني أولادي

و قلبي أصبح عليل
من الوجد و بقي نحيل
و لا حد رحم سني
لا راجل و لا عيل
جيل ورا جيل
طردوني من البيت
و أنا عمري غيرهم ماحبيت
و كثير علشانهم ضحيت
بعت الأراض والغيط
وصرفت عليهم ما خلّيت
بعد أبوهم ما مات
و تحملت الألم والآهات
بالليل كنت بشكي ساعات

ولما الألم كان يشد عليا
أرواح المستشفيات
وأقف في طابور بين الستات
ويمر عليا ساعات
علشان أوفر الجنيحات
وأعمل ليهم مقامات
و يكونوا بين الناس شخصيات
خلوني في الآخر زي الانتيكات
أتفرج ومش من حقي أي طلبات
ولا من حقي أصرخ بكلمات
ولا أشارك في أي فرح أو مناسبات
سقوني المر بعد ما سقيتهم الشرابات
عايروني بشييتي
وأنا كنت بوصفهم بالنجمات

اللي بتتور في الظلمات

بس طفولي قلبي

و الألم بقى مش وجعي

الألم بجد بقى من أولادي

يا سيادة القاضي

سكت القاضي ثواني

وقال أنا حاقوم من مكاني

علشان أبوس إيديكي ...

و أركع تحت رجليكي

لأن الجنة تحت أقدامك

ياريتني ابن من أولادك

كنت شلتك في عينيه

وهبتك حياتي و إللي ليا

بس أخذ رضاك عليا
صرخت الأم وقالت
مشتاقه لعيالي
عايزه أخدهم في أحضاني
قبل ما أموت و أقول مسمحاهم
بكت المحكمة
وصارت مش قضية
بقت ملحمة
بتتغنى على ربابة
علشان الناس تتعظ
ومتهربش من المسؤولية .

كبرنا يا حب

والله كبرنا يا حب
بعد ما شاخ القلب
وبقى مش قادر يحب
كبرنا لما ابيض الشعر
وما بقيناش قادرين على السهر
لما ضعف البصر
و إنحنى الظهر
وبقى الوش مكرمش
وعدى بينا العمر
ومش بقى فاضل غير صور
وكلمة لما كنا صغار

لما ضاعت حلاوتنا
ولما فقدنا عزوتنا
وضاعت قوتنا
وبقينا عايشين بلقمتنا
كبرنا يا حب وكبر معانا الألم
وبقى عجوز مشتاق لنار
تحضنه في ليلة شتا
بقينا بنحجل زى الصغار
بقينا زي العصافير
اللي مش قادرة تاني تطير
حتى الكتابة بقت بعيد للبصر
بقينا بنحسس على وشوش البشر
وبقينا بنكتب الأسامي بطباشير
علشان يكون الخط لنا كبير

إمبارح سمعت ولد صغير
بينادي عليا ويقول ياجدي يا كبير
ارمى لنا الكورة
إلي في البلكونة
لما وطيت لقيتها ثقيلة
لكن مقدرتش أقول
إن الصحة بقت مش سليمة
ولما اتاخرت عليه
ضحك بصوت عالي هو وصحابه
والدمعة بتنزّل من عينيه
على ضياع الصحة.

حق الشهيد

بطلت أبكى على كل شهيد

واسمع إن الأمن من حديد

والأقى فيه إهمال وتقصير

بس جوابيا سؤال محيرنى

إحنا ولاد مين

كل مرة نموت

فى قطر أو كمين

كأننا فراخ مدبوحين

للنار متقدمين

مش ممكن نكون إخوة

وعايش بينا مجرمين

على الدم مأجورين
ولا إحنا بقينا بجد تايهين
مش عارفين
إحنا ليه عايشين ؟
يادنيا فك الحصار
بقينا مطحونين
وتعبنا من البكى
ومش عارفين
الدور جاى
على مين والا مين
عليّ والا على ياسين
ولا إختار مينا وحسين
بعد الموت مابقى بملايين
أنا بصرخ من وجعى

كل اللي انا عايزه
أحس إني إنسان
ساكن في دنيا الحنين.

نفسى فى طبليّة

نفسى فى طبليّة

تلم العيلة

عمى وأختى وأبويّا

وخالى وابنى وأخويّا

والجار اللى قبالي

مينا جارنا ومشالي

ماهو برضه معانا

فى أوجاعنا

وحارب فى الجيش ويانا

لما الديب حاول يأكل نعجتنا

وقف نفس وقففتنا

وكان وسط لمتنا

واتبرع بدمه لما اتصابنا

وقف على بابنا

يحارب في أعدائنا

ويقول الصليب مع هلالنا

تعالوا نحمل ديارنا

ولما تعبنا خبط علينا

وجه بالورود زارنا

عايز طبليّة تلمنا

و ماحدث يغيب مننا

نفضل نسأل على بعضنا

ونخاف على أرضنا

وان غاب مننا

حد ننتظر رجوعه

عايزين أولادنا

يكونوا إيد واحدة
وقت الصعاب والشدة
علشان نبقى جماعة
ونخوف الناس الجبانة
اللى من نجا حنا على طول تعبانة
أبونا طول عمره أصيل
عمره ما اتداري فى الليل
وبنى السد العالى وحفر النيل
ديه القعدة مع العيلة
تشفى القلب العليل
وقت العصارى والليل
جماله ملوش مثيل
وحارسه أسدين

قاعدين على الجانبين

والناس..

لله شاكرين

بلدنا حلوة وناسها طيبين.

حبك ملوش مثيل

حبك شيء ملوش مثيل

ولا عمره كان له بديل

ولا كان في يوم تقيل

مشاعري زى منديل

مفروود على شط النيل

أبيض زى الفل والياسمين

وأخد عيون الكل

كنت بشوفك أقول الله

دا جميل

وصوتك زى صوت الهديل

صوت الميه بعد التقطير

وحبي ليكى عمره ما كان تمثيل

ولا عمرى فى ملكوت

الحب عرفت التطبيل
عيونك لقلبي سلسبيل
بتروى قلبي العليل
وأرجع تانى زى العيال
أحلم وأنا ماشى فى الخيال
وسامع فى ودنى صوت الخلخال
بيرن زى شاعر فى سجال
بيغنى أغنية و موال
كنت لما أمشى يقولوا ياولداه
هى الحياة على فين وخداه
سايب الأرض وطاير فى سماه
منتظر كلمة حب فيها حياة
كأنها طوق نجاة

حبیبتی یا اُمی

حبیبتی یا اُمی

کل حاجة بتفکرنی بیک

وإحنا ملمومین حوالیک

بنلعب تحت رجليک

نجرى ونبوس إيديک

عایزین رضاک یا امه

کنا عاملین زي الغلة

وانتی بتلمیها

زي حبات السبحة

لما تفرط منك

وانتی بتضمیها

وتسبحي بیها

كنا بنسمع دعائك
كل فجر فى صلاتك
بتقولي بصوت عالى
خليلى يارب عيالى
انت أعلم بحالى
لسه فاكروا بور الجاز
قبل ما نجيب البوتجاز
فاكروا يا امه اللمة
فاكروا لما كنا صغار
وبنجرى ورا بعض
وسط الدار
وانتى بتصرخى
أبوكم نايم يا صغار

خليكوا شطار

وبطلوا لعب وهزار

أحسن أبوكم يصحى

ويقلبها دقة زار

وكبرنا يا أمه

وبقينا كبار

وبقى عندنا عيال

شديتى ليهم كام غربال

لسه فاكر وشك يا امه

من بين الوشوش

في عيني منقوش

وشك البشوش
كان بيضحك على طول
فاكر لمسة إيديك
وصدرك الحنون
لما كنت بتلعبى فى شعرى
على طول
وتنكشي تسريحتي
وأضحك وأقول
يا امه بوظتى تسريحتي
ازاى يا امه
همشى واتمظهر
وسط صحابي
واتباهى يا امه بهندامي

أزاي هابص يا امه في مرايتي

تضحكيلى وتقوليلى

بتضحك يابنى عليك

أنت نور ساطع للى حواليك

والأرض بترقص تحت رجلك

علشان رضاي عليك

فاكر يا امه مش ناسى

لما صحيت على صوتك

وضربت بإيدي بابك

لقتك حاضنة لحافك

وبتشتكى من آلامك

ولما حطيت إيدى على قلبك

قلتى الألم هنا يابنى

خليك هنا جنبي
أنا ما نمتش في ليلي
ولا النوم عرف طريقي
وإزاي أنام وأنا موجوعه
وفى الصحة كنت مخدوعة
كنت بضحك وأدارى أوجاعي
علشان متبكيش عيالي
وأخبي عليهم ألمي
بس النهارده باين دي نهايتي
وأخر أنفاسي
لقيتني يا أمه برتمى في حضنك
ولقلبي بضمك
آخر ضمة منك
هتفضل عطر لروحي

وطلعت الروح
ومعها صوت مدبوح
من البكا بينوح
والقلب بقى بفراقك
يا أمي مجروح
ولا عاد فارق معايا
مسا ولا صباح
ماتت ست الملاح
كانت شمعة بتتور ليلي
نسمة مرسومة على جبیني
كانت هي الجنة
وأنا العابد في جمالها
ربى یرحمك یا امه

الحب ده إحساس

الحب ده إحساس

موجود عند كل الناس

مش كراسة ضرب وحساب

وكلام ولوم وعتاب

وبعده تقفل على نفسك الباب

وتقول القلب خلاص شاب

راح عليه الحب

راح كمان الشباب

كان زمان لينا أحباب

فضلوا كتير على الباب

منتظرين مننا جواب

يخليهم أسعد أحباب
بس النهارده بقينا أغراب
وكلمة بحبك
خارجة من الإعراب
فيه اللي يحبك دون الناس
ويطلع ليك أحلى إحساس
أوعى تقول الحب كاس
ينشرب لحظة ضعف
ولازم ينداس
الحب ده أحلى إحساس
يخليك تحلم كأنك ماس
أو يخليك زهرة وعائزه تتباس
أو يخليك فارس من دون الناس
الحب ده كلمة قالها شاعر

ولما سألوه قال دى مشاعر
إسألونى عن قلبى
إزاي بيصافر
مع إنه بيعافر
نفسه يلمس القمر
والقمر بباعد ويكابر
ويقوله إنسى المشاعر
علشان تعيش حياة الأكابر
حبي عمرك ماحتكون عليه قادر
مهما قلت أو كنت فى يوم شاعر

سحابة حب

عمرى ما يوم زعلتك
وكنت بشتري دايمًا قربك
ولا عمري في يوم بعثك
كنت بعد العمر معاك بالثانية
ولو غبت عني مرة
كنت بتوه في الدنيا الزرقاء
ويحتاروا فيا الأطباء
و أستنى سؤالك عني ولو غلطة
وكل ما قلبي يدق بحبك
أجري و أبوس صورتك
وأناجي فيها طيفك

وأَتَخِيلُ إِنِّي بِضَمِّكَ
وَبِمَشْيِ صَوَابِعِي عَلَى خَدِّكَ
وَأَسْرَحُ وَأَنَا فِي عَيُونِكَ
إِنِّي فِي جَنَّةٍ تَانِيَةٍ
وَأَقُولُ يَا تَرَى وَحِشَتَكَ
وَأِلَّا مَا عَدَيْتَ عَلَى بَالِكَ
وَسَقَطَتْ خُلَاصٌ مِنْ حَسَابَاتِكَ.

انا مسافر

انا مسافر

من غير شنطة سفر

كل اللي واخده

معايا ضربة من القدر

عذاب وجرح وليالي سهر

وما عدشي باقى أيام من العمر

كل حواسي بقت قطعة جمر

نار فى جذوع الشجر

وانا لسه بفكر فى أيام القمر

واقول فيه الكلام و الشعر

دوايين غرقانه فى بحور

وشجر طالع زى الزهور

وش مدور زى طبق بنور

وكل ما بصر فيه الاقيه بيدور
زى القمر وفيه النور
الحب غريب فيه العبر
تشوف فيه النار
و تشوف فيه القمر
الحب جميل زى المسك والعنبر
وطعمه زى السكر
وعدسات من غير شمبر
تشوف حبيبك زى بنات الحور
وتلاقي الدنيا من غير جذور
وأرض كل اللى بينزرع فيها زهور
دنيا خير مفيهاش شرور

أول مرة أحس بفراقك

أول مرة أحس بفراقك
وأنا جاي من بره
بفتح بابك
ومفكر حلاقيك
وأرتمي في أحضانك
كنت بسمع تملئ دعواتك
وأنت بتدعى ليا في صلواتك
عمرك ماكنت تقيل عليا
حتى في طلباتك
مع أنى كنت عايش
تملى بمالك

وبمشى وأفتخر بمقامك
وأتحاكي تملئ بأفعالك
الطيبة كانت شعارك
والسيرة فضلت بعد مماتك
حتى بعد أمتى رفضت زواجك
كنت خائف على عيالك
وقلت عمر ماحد ياخذ مكانك
ولا يدخل بعد موتك دارك
كأنك كنت عارف إنك مفارقنا
وحترّوح لشريكة حياتك
اللى جابتلك أولادك
انا واخواتي الاولاد وبناتك
ولو فيهم بت جت دارك

تقول يابـت
قبل ماتمشى خدى زوادي
ده خير أبوكى ودى دارك
كنت بفرح لما أشوفك
فارد جناحك
وواخذنا فى أحضانك
عمرك ماشكيت من أحزانك
مع إنى كنت بسمعك
بتصرخ من أوجاعك
كثير وانت مش واخذ بالك
ما عرفتش قيمتك
إلا بعد مماتك
والبيت فضى

عليها بعد غيابك
كنت النسمة وأحنا أمدادك
كنت برج في حياتنا
وأحنا أنوارك
كنت الحزن وأحنا عشاقك
كنت بشوفك رافع رأسك
وأحنا بنضحك قدامك
من أول ابن ليك لأحفادك
رحلت والقلوب كلها تملئ دعيالك

إوعي تسوق الحب عليا

أوعي تسوق الحب عليا

وتقول وحشاك عينا

وانك تملئ بتفكر فيا

وأول ما قرب ليك

وأحاول المس أيديك

وأقولك بحبك

وتملي بتمنى قربك

تهرب مني بعينيك

وتقولي عمرى

ما فكرت فيك

انا ممكن أكون بعزك

بس مش بحبك

وتفكيري تملي غير تفكيرك

مش معنى انى بجيك

وباسمع تملي همومك

والوقت بيعدي معاك

بين كلام وحكايات

واليوم يعدى كأنه ساعات

هزار وضحك طول الأوقات

انا صحيح بعزك

بس مش بحبك

ليه متقولشي أصحاب

ونبطل عتاب

ونقفل على الحب باب

ونعيش مع بعض قرايب

على طول ماسك
فى أيدك الباب
وتملي بتخلق أسباب
إننا نبقي أغراب
خلينا نعيش أحباب

شاعر الكلمات

قالوا عني شاعر الكلمات
بوصف كل بنت من الملكات
حتى اسألوا عني سنية وفتكات
خليتها من خيمة ساكنة الفيلات
وبتتكلم بالدولارات
وبكل اللغات
ومعها دفتر شيكات
وكل شوية هات
ماهو الشعر كله حكايات
وأوقات ثانية روايات

و ما سمعناش إن الشاعر بقى شحات

إنه كتب عن زمن فات

أهو كله بيضحك مدام القلب مات

وما تسألنيش عن رومانسية ولا أنتكات

أهو كله بينباع في الصالونات

مدام بنت او ستات

المهم يندفع كام

ويبقى معاه لجام

يقدر يسوق بيه المدام

والشباب إللي قالب هيام

وبقى شخشيخة في إيد المدام

وبياخد مصروف زي العيال

وأوقات يشتغل طبال
وبيمشى بخفة ودلال
و بيمضغ لبان ولابس خلخال
وحلق وإنسيال
آه على زمن الرجال

ياعم بطل كلام

ياعم بطل كلام

وكفايه كتر سلام

ياعم زهقنا

من شغل الافلام

عرفنا إنك نصاب

من كتر الترحاب

بس الرجولة أدب

مش كلام وعتب

وتطلع نفسك عنب

وكلامك مفكره حليب

بتوزعه فى علب
خليك راجل زى عود الحطب
وسيبك من الخطب
مدام إنت عن الشعر غريب
ليه بتعمل نفسك أديب
روح بعيد يا ديب
مالكش فى الرجولة نصيب
الواحد يتمنى حبيب
يكون منه قريب
يقف معاه وقت الغضب
مش بيلم ورق يانصيب
علشان يصرف اللى فى الجيب
روح ياعم وأتعلم الأدب
إزاي تبقى حكيم بأدب

وتطلع الكلمة
ويكون ليها مية سبب
ويسمعك إلى قدامك
ويحبك بأدب

الحياة

كانت الحياة هادية
من غير سوسن ونادية
كانت الأيام حلوة
والزراع نسقيه بساقية
زي الطاحونة الدائرة
والميه بيضا زى الفضة
والناس بيها حامدة وشاكرة
والنيل يجري في الأرض الفاضية
والفدان يتروى في ثانية
والسنبلة بتطلع مية قمحة

والميه بنشربها في قتل فضة

وكل قلة عليها وردة

وكانت الميه ماشية

كانت الحياة هادية

والبلد مش نايمة

على بعض خايفة

وعمرنا ما كان بينا حرامية

وعقول في الدنيا فاضية

والموضة الرقص على موسيقى هادية

والوشم على الأجساد العارية

والبناطيل الساقطة

اللي على طول نازلة

وهي دي بجد الأزمة

اللي من غير لازمة

على إيدك اتعلمنا

على إيدك اتعلمنا

ومن هواك ياما شربنا

شربات فى كاسات دوبنا

ومن جماله ياما دوخنا

زرعنا فى الحب نخلنا

وكبر وبقى أعلى مننا

وحصدنا منه تمرنا

كان عسل فى شفايفنا

لأنه شهد من حبايبنا

كثير رسمنا قلوبنا

على غصن أشجارنا

تنور فى الحب دروبنا

على إيدك اتعلمنا
لما الحب دق بابنا
وقال عطشان يا حبابنا
اروي لنا قلوبنا
بضحكة تسعد إيماننا
وتسكن فى أحلامنا
ما هو الحب شئ من خيالنا
وقصور مبنية عالية
كل طوبة منها بحنية
تشوفها تقول دى الجنة
اللي حلمنا بيها فى أحلامنا
وطيرت مننا نومنا
من كتر أشواقنا لحبايبنا

نام في عيني

نام في عيني و اوعى حد يشوفك

انت حبيبي وسبيك من كسوفك

حكون في الشمس ضلك

وحكون في الليل قمرك

اللى ينور دنيتك

وحكون ليك مرسى

اللى ينور خطوتك

وحكون في الحب رفيقك

وأخذ من عمري وأديك

بس انت قولي بحبك

واعرف انك في الدنيا قدرى

وعايش في نبضى
ودمك بقى بيسرى
في وريدى
سمعى وعيشنى فى قربك
محدث حيحك قدى
ولا في الحب حد حيصونك
وحكون كل حراسك
أنا حصانك إالى نفسه يطير بيك
و إنت مغمض عينيك
وأخليك ترفع في السما إيديك
زي بطة تيتانيك
و آخذك من كل إالى حواليك
علشان أعملك في الحب جنة

خايف

خايف يمر العمر من دونك
و أنا حاطك فى قلبى وبصونك
ياما كحلت عينى بنظرة منك
كانت بتفرحنى بقدومك
كنت بشتاق لحضنك
ولا عمرى في يوم زعلتك
وكنت بشتري دايمًا قربك
ولا عمرى في يوم بعثك
كنت بعد العمر معاك بالثانية
ولو غبت عني مرة
كنت بتوه في الدنيا الزرقاة
ويحتاروا فيا الأطباء

و أستنى سؤالك عنى ولو غلطة

وكل ما قلبى يدق بحبك

أجري وأبوس صورتك

وأناجي فيها طيفك

وأتخيل إنى بضمك

وبمشى صوابعى على خدك

وأسرح و أنا في عيونك

إنى في جنة ثانية

واخذني من دنيا ثانية

و أقول ياترى وحشتك

وإلا مش عديت على بالك

وسقطنا خلاص من حساباتك

إنت مفكرنى

إنت مفكرنى حرجلك تانى
واقولك فاكّر عطفى وحنانى
أو أحكيلك عن حالى
أو اقولك إيه جوالى
يبقى أنت مش جربت عذابى
ولا عمرك عرفت
لما بتغير وأكون انسان تانى
ازاى أحكيلك وانت بايعنى
ولا فكرت فى يوم تسأل عنى
وتقول ليا سامحنى
انا خسرت بعدك نفسى

تصدق كنت حسمك
زى ماكنت بصدقك
مع إنى عارف إنك بتكذب عليا
والغريبة كنت لقلبي حقربك
مع إنك قسيت كتير عليا
وما فكرتش فيا
ولا فى عذاب قلبي
مع إنى قدامك خسرت نفسى
وأنا بترجأك تفضل جنبى
كنت بضحكك وأنا مخبى ألى
يمكن تحن عليا
او تفكر فيا
بس النهارده بقولك وداع
لإنك طلعت فى الحب بيع

بطلت أشتري حد

كفايا ياقلبي هد

وخصام وهجر فاق الحد

طول عمرك شاري

ومش بعت حد

وهما بسكينة ليها مية حد

فضلوا يقطعوا

فيك حنت ملهاش عد

ويوم ما فكرت أعاتب

سمعت مية رد

بيقول إنت مش شبهك حد

تخلق مواضيع تزعل أي حد

عيش أيامك وإوعى تزعل حد

كفاياك شد ومد

وخصام وبعد

ملوش عد

كنت مشتاق

كنت مشتاق ألمس بابك

وأجرى واسجد على سجادك

طالب يارب غفرانك

بقالي كثير بسمع آذانك

عاجز عن إني أجرى

على بابك

ألاقيه في وشي مسدود

وأدعي يارب وحشتني

الصلاة في محرابك

محتاج ربي غفرانك

واليوم باسرع في الخطي

جاي ملهوف
ومن كرمك عليا مكسوف
وأسرع خطايا
عشان نفسي أكون إمام
وأنا بصلّي بعبادك
ياما وحشتني صلواتك
والناس في جماعاتك
كان نفسي
أصلي فيك أنا وأولادي
قبل ماييجي مماتي
وأطهر فيك نفسي
والملم فيك معاصي أمسي
وحشني صوت الأذان

بیرج فی کل مکان
هلموا للصلاة یا عباد الرحمن
کل واحد واحد واخذ سجاده
و جواه حنین لعباده
الجامع بردوا لیه مكانته
وشموخ مأذنته
وصوت المؤذن
ساووا صفوفکم
والعين مكان السجود
وأخلصوا فی دعاءکم
لرب العباد
ياما کثیر اتمنیت
ولو حتي رکعتین
أصلیهم فی الحرمین

رسالة من امرأة

مدام بتغير عليا

وبتفكر فيا

ليه بتسوق دلالك

وبتغير معايا أحوالك

وكل ما أجي أقعد جنبك

تبعد عن مكانك

وكل ما أسألك

بتقدم أعذارك

وتقول ما أنا على طول قدامك

وفتاة أحلامك

بس إنت مش واخد بالك

إني واقعة في غرامك

بس خوفي من نظرتك

تخليني أقع قدامك
ومش عارفة ألم فستاني
ولا أعرف أقف في مكاني
بحاول أبعد عنك
و أكتم في قلبي حبك
وأنا قلبي بيتقطع في بعدك
بس مش قادرة أقولك بحبك
ولا قادرة لما أشوفك
اخذك في قلبي وأضمك
مع إني بتعذب من نظرتك
وأنا عارفة إنها بتقولي بحبك

العتاب

غلبت أعتاب فيك
وأجري أبوس إيديك
وأقولك سامحني
غصب عني بغير عليك
ولما عيني بتيجي في عينيك
بحس إني متلخبط
ومش عارف ليه
بكون عايز أحطك في عيني
وأغمضهم عليك
أنا تملي بفكر فيك
وبدور على اللي يرضيك

إذا كان الورد
سارح في بستانه
طالب من الجنائني
عطفه وحنانه
والجنائني عامل نفسه
مش واخذ باله
إزاي يعيش الحب وسط جدران
محبوس في أوهامه
القمر في ليله
بيداعب نجومه
ويشغل العيون النعسانة
في الحب وهيمنة
حتى اسألوا عنه القلوب العشقانة
بيشغلها بكام نظرة

ويخلي العيون بتلف في دوامة

وتقول أه يانا من الحب

بيقتل القلب ومش بيسيب علامة

و الصادق فيه بيجني الندامة

وبيشوف فيه ياما

وبيسخر فيه السعادة

إللي سمع عنها في كل رواياته

عنتر مات مع عضلاته

وقال فيه ووصفه في كل جماله

وكتب فيه كل أشعاره

وقيس متجوزش ليلي

بس فضل مجنون في غرامه

حتى مماته

وروميو فضل تحت الشجرة

علشان ياخذ من جولبيت نظرة

أو يسمع صوتها من شباكها

في يوم وليلة

في يوم وليلة

نزل سعر الذهب

الناس داست عليه واتتهب

بعد ما كان بيلمع أصبح تراب

ولونه بقى لون الهباب

وكتير سألوا إيه حكاية الذهب

قالو داس عليه غراب

لأنه في يوم حب وفتح الدار

وهي دي ضربة المسمار

لما الذهب يرخص في ايد التجار

ويبقى ثمنه ثمن الخيار

وضاع الحب وداب

لما فكر نفسه من الأحباب
وعلى القلب بقى من الأصحاب
راح يخط على الباب
وسابوه كأنه من الاغراب
فأنجرح الذهب وبقى سراب
فضل يبكى حظه ويندب
بعد ما كان وردة أصبح تراب
ومين يداوى الجرح يا طبيب
واللى قتلنى كان حبيب
وعلى قلبى أعز قريب
قمر عمره ما كان عنى بيغيب
وأعمل إيه بعدك يا حبيب
افضل على حبك
والا اعتبرك غريب

كفاية

كفايه علينا كدا

روحوا واسألوا

فى حب بشكل دا

والإ إحنا بقينا المشكلة

نحب ونسهر ليالينا

ولا حد سأل فينا

ولا فى يوم يرن علينا

ويقول وحشاه عينينا

ولمسة من أيدينا

ولا إحنا خلاص انتهينا

وانقلبت صفحتنا فى حكايتنا

واحنا من حبه ما أكتفيننا

دى غلطة مين فينا

حلفوه واسألوه

عن الوردة اللى دبلت ريحتها

واسألوه إزاي مش رويتها

يمكن يحن علينا

حرام يبقى الحب ذكرى بينا

مكتوبة فى ماضينا

واحنا علشاناه بعنا واشترينا

ولا عمرنا أشتكيننا

من هواه ولا من جفاه

لأننا بجد حبيننا

محتوى الكتاب

2.....	بطاقة الكتاب
3.....	إهداء
4.....	إهدى ياقلبي
7.....	إحكيلى
10.....	أنا شايفك
13.....	عشنا ليلة
15.....	استغماية
18.....	رسالة من ليلى
21.....	فى العشق هيمان
25.....	حبك صدفه
31.....	بطلت أحلم
35.....	يا دنيا
39.....	سر عينيك
44.....	التجاهل
47.....	يارب تكونى سامعانى
50.....	الحب المستحيل
54.....	الحب دوا

56.....	مرايتى
58.....	مش عايز أصحى
60.....	وبحبك
61.....	الحلم مستحيل
63.....	طعم الغدر
68.....	كبرنا يا حب
71.....	حق الشهيد
74.....	نفسى فى طبلية
78.....	حبك ملوش مثيل
80.....	حبيبتى يا أمى
87.....	الحب ده إحساس
90.....	سحابة حب
92.....	انا مسافر
94.....	أول مرة أحس بفراقك
98.....	إوعى تسوق الحب عليا
101.....	شاعر الكلمات
104.....	ياعم بطل كلام
107.....	الحياة
110.....	على إيدك اتعلمنا
112.....	نام فى عينى

114 خائف
116 إنت مفكرنى
118 بطلت أشتري حد
120 كنت مشتاق
123 رسالة من امرأة
125 العتاب
129 في يوم وليلة
131 كفاية
133 محتوى الكتاب